

Այն մտավախությունը, թե Անկախ Պետությունների Համագործակցության կամ Ընկերակցության ստեղծումը հեշտ գործընթաց չի լինելու՝ մասամբ հաստատվեց արդեն 11 ինքնիշխան պետությունների ղեկավարների ղեկտեմքերի 30-ի միակյան հանդիպման ժամանակ: Հենց միայն քննարկվելիք հարցերի օրակարգի հաստատումը, ըստ լրատվական գործակալությունների ժխտ հաղորդումների, տևել է մեկ ժամ 15 րոպե՝ նախատեսվածից զգալիորեն շատ: Առաջարկված 13 հարցերից, ի վերջո, քննարկման են ընդունվել 10-ը. 1. Համագործակցության կոորդինացնող մարմինների, 2. անցման շրջանում պաշտպանական հարցերի, 3. Համագործակցության հեռուստառադիոկամպանիայի և տպագիր օրգանի, 4. արտակարգ քնապահպանական իրավիճակների, 5. արտասահմանյան պետությունների տրամադրած վարկերի հաշվին գնված մթերքները 1992 թվ. բաշխելու, 6. դիվանագիտական և հյուպատոսական ներկայացուցչությունների համաձայնեցված օգտագործման ժամանակավոր միջոցառումների, 7. Համագործակցության անդամների միջև քաղաքական, տնտեսական, գիտատեխնիկական և մշակութային համաձայնությունների կնքման և գործադրման կարգի, 8. մշակութային քնազավառում համագործակցության, 9. տիեզերքում համագործակցության մասին, և վերջինը՝ 10-րդը՝ զանազան հարցեր:

Իհարկե, սրանք բոլորն էլ կարևոր և լուրջ քննարկման արժանի հարցեր են: Սակայն այնպիսի կարևորագույն մի հարց, ինչպիսին Համագործակցության ողջ տարածքն ընդգրկող ազգամիջյան կոնֆլիկտներն են, ավաղ, այս ցուցակում տեղ չի գտել: Այս հարցում Համագործակցության լիդերները, երևում է, լիովին ժառանգել են նախկին Խորհրդային Միության նախկին ղեկավարության անբարոյական վարքագիծը: Մասնավորապես, նիստում մերժվել է Հայաստանի ղեկավարության

կողմից քարձրացված՝ ԼՂՀ-ի խնդրին անդրադառնալու հարցը: Այդ մասին մեր հանրապետության նախագահ Լևոն Տեր-Պետրոսյանը հայտարարեց՝ արդեն ղեկտեմքերի 31-ի երեկոյան, հեռուստատեսային կարճատև հարցազրույցում, ուր, չթաքցնելով հիասթափությունը, նշեց, որ Ադրբեջանը վիժեցրեց այդ հարցի քննարկումը և համապատասխան հայտարարության ընդունումը, որի տեքստն արդեն մշակված էր: Լ. Տեր-Պետրոսյանը խոստացավ այդ տեքստը ներկայացնել միջազգային հանրությանը: Այժմ, երբ ես գրում եմ այս տողերը, այն դեռ ինձ հայտնի չէ: Հայտնի է մի բան՝ հարցի քննարկումը, Ադրբեջանի առաջարկությամբ հետաձգվել է: Ինչո՞ւ, որքա՞ն ժամանակով: Ո՞վ գիտե: Գուցե թե այնքան ժամանակով, մինչև որ Ադրբեջանը իր հաշվով թուրքավարի «լուծի» Արցախի հարցը՝ իրականացնելով այն հինավուրց հայկական հողի վերջնական հայաթափումը: Ամեն դեպքում, Արցախում այսօր շարունակվող վայրագությունների ուղղակի աատասխանատվությունն այսուհետ ընկնում է նաև Համագործակցության անդամ մյուս բոլոր տաս պետությունների ղեկավարների վրա, որոնք հանցագործ անսրտություն հանդես բերեցին քնաջնջման ուղղակի և միանգամայն իրական սպառնալիքի առաջ հայտնված արցախահայության հանդեպ՝ մերժելով գոնե քննարկել ԼՂՀ-ն իբրև ԱՊՀ-ի անդամ ընդունելու խնդրանքը: Հայտնի է, որ Ռուսաստանի նախագահ Բ. Ելցինը դեռ մինչև Միակի տարեվերջյան ժողովը հանդես էր գալիս համագործակցության միացյալ զինված ու-

ժերի պահպանության օգտին: Սրա դեմ ըմբոստացել են Ադրբեջանը, Մոլդովան և Ուկրաինան, որոնք ամենայն վճռականությամբ ձգտում են ունենալ սեփական բանակներ: Առաջին երկուսի հարցը պարզ է. նրանք ուզում են որքան կարելի է շուտ տեր դառնալ իրենց տարածքներում գրեթե ամբողջովին զենք ու զորքին՝ շուտափույթ կերպով և բռնի ուժով «անհնազանդ» Արցախն ու Պրիդնեստրովյեն խեղդելու համար: Ադրբեջանը, ամեն ինչից զատ, հավանում է տեր դառնալ նաև Կասպիական նավատորմին, ինչը զգալիորեն կմեծացնի նրա կշիռը Մերձկասպյան երկրների հետ ապագա հարաբերություններում:

Դե, իսկ Ուկրաինան: Նրա ինչի՞ն է պետք 470 հազարանոց բանակը, գումարած Սևծովյան ռազմական նավատորմը, որին դեմ չէ նույնիսկ ամբողջովին տիրելու, առանց որևէ մեկի հետ կիսելու: Ռուսական քաղաքական մեկնաբաններից ոմանք առաջ են քաշում այն վարկածը, թե Ուկրաինան այդքան մեծ հավակնություններ է ներկայացնում խորհրդային զենքի նկատմամբ՝ առաջիկայում այն շահավետ վերավաճառելու համար: Սակայն չի բացառվում նաև երկրորդ վարկածը. ինձ թվում է, որ Ուկրաինան արդեն այսօրվանից ամենալուրջ կերպով պատրաստվում է զենքի ուժով պաշտպանել իր տարածքային ամբողջականությունը հնարավոր ոտնձգություններից: Այսպես, թե այնպես, զանազան տարածայնությունների պատճառով հնարավոր չի եղել հանգելու բոլորին բավարարող որոշման: Պայմանավորվածություն է ձեռք բերվել միայն անցման շրջանում, այսինքն՝

առաջիկա երկու ամսում, պահպանել Զինված Ուժերի միասնական հրամանատարությունը՝ Եվգենի Շապոշնիկովի ղեկավարությամբ: Դեկտեմբերի 30-ի շինական հանդիպման բոլոր մանրամասները դեռ հայտնի չեն, իսկ արդեն եղած յնֆորմացիան առանձնակի լավատեսության հիմքեր դեռևս չի տալիս: Այդ հանդիպումը, ամենայն հավանականությամբ, շատ ավելի դժվարին է եղել, քան սպասում էին նրա մասնակիցները: Համենայն դեպս, բոլոր 10 հարցերի համար վաղօրոք նախատեսված երկու ժամը բավարարել է միայն... առաջին հարցի քննարկմանը: Ինչպես երևում է՝ Խորհրդային Միության քաղաքատարաքար խաղաղ կազմացրումից հետո լուրջ տարածայնություններ են առաջանում սպանված արջի մորթին բաժանելու գործում: Գլուխ է քարձրացնում համագործակցության առանձին անդամների էգոիզմը: Ռուսաստանը, վերջապես ազատվելով «ավագ եղբոր» հոգեմաշ պարտականությունից, որը նրան, ինչ էլ լինի, որոշակի չափով կաշկանդում էր, հիմա արդեն ձգտում է թելադրողի դեր ըստանձնել, մյուսները ակտիվորեն հակադրվում են դրան: Այդ երևում է թեկուզև այս հունվարի 2-ից Ռուսաստանում գրեթե արձակման քաղաքականությանն անցնելուց, ինչը հավանության չէր արժանանում մի շարք պետությունների կողմից, բայց Բորիս Ելցինն, այնուամենայնիվ, գրեց զրան՝ փաստորեն հարկադրելով նաև մյուսներին, այդ թվում և՛ Հայաստանին, հետևելու իր օրինակին...

Եթե չհաջողվի հաղթահարել այս էգոիզմը, արջի մորթուց որքան կարելի է շատ բաժին փախցնելու այս ակնհայտ մոլուցքը, ապա, կարծում եմ, Համագործակցության ստեղծումը հենց ամենակարգից կենթարկվի չափազանց մեծ փորձությունների և, աստված մի արասցե, կարող է չըդիմանալ դրանց: